

Comisiwn y Cynulliad

Lleoliad: **Swyddfa'r Llywydd, 4ydd llawr – Tŷ Hywel**

Dyddiad: **Dydd Iau, 29 Ionawr 2015**

Amser: **13.00 – 14.55**

Cynulliad
Cenedlaethol
Cymru

National
Assembly for
Wales



Cofnodion: AC(4)2015(2)

**Aelodau'r
Comisiwn:**

Y Fonesig Rosemary Butler AC (Cadeirydd)
Peter Black AC
Angela Burns AC
Sandy Mewies AC
Rhodri Glyn Thomas AC

**Swyddogion yn
bresennol:**

Claire Clancy, Prif Weithredwr a Chlerc
**Craig Stephenson, Cyfarwyddwr Dros Dro Gwasanaethau'r
Comisiwn**
Dave Tosh, Cyfarwyddwr Adnoddau
Neil Bradley, Cydgysylltydd Cynaliadwyedd y Cynulliad
Sulafa Thomas, Pennaeth Ysgrifenyddiaeth y Comisiwn

Eraill yn bresennol:

David Melding AC, Y Dirprwy Lywydd
Mair Barnes, Cynghorwr Annibynnol
Jon Stratford, Assistant Chief Constable, Heddlu De Cymru
Josh Jones, Chief Superintendent, Heddlu De Cymru

1 Rhagarweiniad

1.1 Cyflwyniad ac ymddiheuriadau

Ni chafwyd unrhyw ymddiheuriadau.

1.2 Datganiadau o fuddiant

Ni chafwyd datganiadau o fuddiant.

1.3 Cofnodion y cyfarfod blaenorol

Derbyniwyd cofnodion y cyfarfod a gynhaliwyd ar 15 Ionawr.

2 Y wybodaeth ddiweddaraf am ddiogelwch – Eitem lafar

Cafodd y Comisiwn sesiwn friffio diogelwch, a bydd yn ystyried amrywiaeth o opsiynau mewn cysylltiad â diogelwch ar y safle. Penderfynodd y Comisiynwyr drafod y mater eto yn ei gyfarfod ar 9 Chwefror.

3 Strategaeth Rheoli Carbon – Casgliad a Chynlluniau'r Dyfodol

Trafododd y Comisiynwyr adroddiad a oedd yn rhoi crynodeb o'n prif gyflawniadau mewn cysylltiad â'r targedau corfforaethol ac a arweiniodd at y Strategaeth Rheoli Carbon. Croesawodd y Comisiynwyr y manylion am y gostyngiadau sylweddol mewn allyriadau carbon a gyflwynwyd drwy'r strategaeth hon. Mae'r Comisiwn yn bwriadu adeiladu ar y llwyddiant hwn yn y blynyddoedd i ddod drwy'r Trywydd Lleihau Ynni y cytunwyd arno y llynedd.

Canmolodd y Comisiynwyr yr adroddiad a'r gwaith a wnaed i gyflawni llwyddiant o'r fath, gan dynnu sylw'n benodol at y wobr ddiweddar ar gyfer Sefydliad Sector Cyhoeddus Mwyaf Cynaliadwy mewn Llywodraeth ledled y DU. Cytunwyd y dylid cyhoeddi'r adroddiad ar dudalen cynaliadwyedd gwefan y Comisiwn.

4 Adroddiad ar Berfformiad Corfforaethol, Ebrill – Mehefin 2014

Trafododd y Comisiynwyr bapur a oedd yn nodi'r Adroddiad Perfformiad Corfforaethol drafft ar gyfer y cyfnod rhwng Ebrill a Rhagfyr 2014.

Ystyriodd y Comisiynwyr nifer o feysydd a drafodir yn yr adroddiad, gan ganolbwyntio'n benodol ar ymweliadau gan ysgolion a gwella lefelau salwch staff.

Nododd y Comisiynwyr pa mor ddefnyddiol oedd yr adroddiad ond efallai bod angen ystyried ei symleiddio a pheidio â chael gormod o dargedau.

5 Adroddiad ar y Prif Bwyntiau (Gorffennaf – Rhagfyr 2014)

Adolygodd y Comisiynwyr yr adroddiad diweddaraf ar y prif bwyntiau a oedd yn rhoi'r wybodaeth ddiweddaraf am y prif weithgareddau a phrosiectau ers mis Mehefin 2014. Cytunwyd i gyhoeddi'r adroddiad a sicrhau ei fod ar gael i Aelodau.

6 Adolygiad o Effeithiolrwydd Comisiwn y Cynulliad – y diweddaraf ar y camau gweithredu

Gwnaeth y Comisiwn adolygu a diweddarau ei Gynllun Gweithredu mewn ymateb i'r argymhellion yn yr adroddiad ar adolygiad o effeithiolrwydd y Comisiwn.

7 Cofnodion y Pwyllgor Archwilio a Sicrwydd Risg – 10 Tachwedd 2014

Nododd y Comisiynwyr gofnodion cyfarfod y Pwyllgor Archwilio a Sicrwydd Risg ar 10 Tachwedd, ar ôl cael diweddariad ar lafar am y cyfarfod ym mis Rhagfyr.

8 Unrhyw fater arall

Bydd y Comisiwn yn cyfarfod nesaf ar 9 Chwefror, pan fydd y drafodaeth yn canolbwyntio ar ymgysylltu â phobl Cymru, a bydd y Comisiynwyr yn trafod materion diogelwch unwaith eto.